

Proyecto di embeyecimento di e area di Aeropuerto te cu Arashi, lo cuminsa rond di Maart otro aña



proyecto di embeyecimento cu lo cuminsa na Aeropuerto y caba na Arashi, cu lo hasi cu e turista for di momento cu e yega Aruba, ta haya un bista bunita di nos isla. Originalmente e plan tabata pa e proyecto ta di Aeropuerto te cu Hotel Phoenix.

Durante di e conferencia di prensa, representante di e compania EDSA di Merca cu lo bay ta encarga cu e proyecto a duna un splicacion

riba e plannan cu tin pa cu esaki.

Sr Douglas Coolman a splica cu mayoria parti di e plan pa cu e proyecto, a wordo traha conhuntamente cu doñonan di Hotelnan na Aruba, Gobierno y otro instancianan importante na Aruba.

Segun Coolman e intencion ta pa crea un "rastro" di mercadeo for di nos Aeropuerto te cu Arashi, cu lo eleva e impresion di e turista, pa cu Aruba. E proyecto aki lo ta e "parke linear" mas grandi di Caribe segun Coolman.

E representante di EDSA a señala cu aspectonan importante di e Boulevard aki lo e "Landscaping", luz, Borchinan y e bista pa laman. Hopi di e cambionan cu lo

wordo hasi ta encera un enfoke riba nos awa.

Tambe Coolman a indica cu e proyecto mester captura e esencia di Aruba como "One Happy Island, y educa tanto local como turista riba aspectonan historico,

medio-ambiental, Cultural y Social, riba kico ta Aruba.

Si tur cos bay bon, e proyecto lo cuminsa na Maart otro aña, unda cu lo cuminsa cu e prome fase di e "Parke" cu lo tin un largura di alrededor di 16 Kilometer. Esaki lo dura entre 6 pa 9 luna pa wordo completa, mientras cu e proyecto total lo dura entre 2 cu 3 aña, unda cu e prome calculacion di e costonan ta, cu e proyecto lo sali 11 miyon dollar.

Minister Briesen ta pidi cooperacion di tur sector

Pa proyecto di embeyecimento

ORANJESTAD(AAN): Di su banda Minister di Turismo ing Edison Briesen ta sinti cu e proyecto di embeyecimento di e area entre Aeropuerto y Arashi lo aporta na eleva e calidad di nos turismo, unda cu sector priva AHATA,

ATA y Gobierno lo mester bay hunga un rol grandi pa cu e plan aki, ora cu bay financia y mantene e proyecto. No ta Sector Hotelero so tin cu bay coopera, sino tambe diferente Aerolinea, Restaurant, Car rentals y otro posibel sponsoman lo mester aporta

pa e proyecto, cu lo beneficia nan tambe y Aruba en general. Esaki segun Minister Briesen cu ta spera cu lo bin tambe cooperacion di cartera di otro Ministernan, pa asina e proyecto bay manera planea.



ORANJESTAD(AAN): Diabierna mainta a tuma lugar un conferencia di prensa relaciona cu e

BEST DEAL


Tel: 582-7050

(Pariba di Aruba Bank - Paradera)

BEST SHOPPING DEAL

Turibana Plaza - Noord

Tel: 586-5455



LUZ DI PALO
Afl. 39.95

HAPPY MEAL!!

